



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Petri Danielis Huetii Demonstratio Evangelica**

**Huet, Pierre Daniel**

**Parisiis, 1679**

Caput centesimum trigesimum secundum. Jesu vestimenta sorte  
dividuntur.

**urn:nbn:de:hbz:466:1-16260**

dederunt me, & expugnaverunt me gratis. Pro eo ut me diligere, detrahebant mihi; ego autem orabam. Et posuerunt adversum me mala pro bonis, & odium pro dilectione mea. Isa. 53. 12. Et ipse peccata multorum tulit, & pro transgressoribus rogavit.

## CAPUT CXXXII.

Jesu vestimenta forte dividuntur.

PSALM. 21. 17, & seq. Foderunt manus meas, & pedes meos; dinumeraverunt omnia ossa mea. Ipsi vero consideraverunt, & inspexerunt me; dividerunt sibi vestimenta mea, & super vestem meam miserunt sortem.

MATTH. 27. 35. Postquam autem crucifixerunt eum, dividerunt vestimenta ejus fortem mittentes, ut impleretur quod dictum est per Prophetam dicentem, Dividerunt sibi vestimenta mea, & super vestem meam miserunt sortem. Et Marc. 15. 24. Luc. 23. 34. Joh. 19. 23, 24.

## CAPUT CXXXIII.

Moriente Jesu Sol deficit, &amp; terra movetur.

PSALM. 17. 5, & seq. Circumdederunt me dolores mortis, & torrentes iniquitatis conturbaverunt me; dolores inferni circumdederunt me, praecipuerunt me laquei mortis. In tribulatione mea invocavi Dominum, & ad Deum meum clamavi. Et exaudivit de templo sancto suo vocem meam, & clamor meus in conspectu ejus, introivit in aures ejus. Commota est & contremuit terra; fundamenta montium conturbata & commota sunt, quoniam iratus est eis.

Amos 8. 8, & seq. Numquid super isto non commovebitur terra, & lugebit omnis habitator ejus; & ascendet quasi fluvius universus, & ejicietur, & defluet quasi rivus Aegypti? Et erit in die illa, dicit Dominus Deus, occidet Sol in meridie, & tenebrescere faciam terram in die luminis; & convertam festivitates vestras in luctum, & omnia cantica vestra in planctum, & inducam super omne dorsum vestrum faccum, & super omne caput calvitium, & ponam eam quasi luctum uni-geniti.

Agg. 2. 7, & seq. Quia hac dicit Dominus exercituum, Adhuc unum modicum est, & ego commovebo caelum, & terram, & mare, & aridam; & movebo omnes gentes: & veniet Desideratus cunctis gentibus, & implebo domum istam gloria, dicit Dominus exercituum. Et factum est verbum Domini secundo ad Agg. in vigesima & quarta mensis, dicens, Loquere ad Zorobabel ducem Juda, dicens, Ego movebo caelum pariter & terram.

Zach. 14. 6, & seq. Et erit in die illa, Non erit lux, sed frigus & gelu: & erit dies una quae nota est Domino, non dies, neque nox,

MATTH. 27. 45, 51. A sexta autem hora tenebra factae sunt super universam terram, usque ad horam nonam. Et ecce velum Templi scissum est in duas partes, a summo usque deorsum; & terra mota est, & petra scissa sunt.

Et Marc. 15. 33.

Luc. 23. 44. Erat autem hora fere sexta, & tenebra factae sunt per universam terram usque in horam nonam. Et obscuratus est Sol, & velum Templi scissum est medium.

Ebr. 12. 25, & seq. Videte ne recusetis loquentem. Si enim illi non effugerunt, recusantes eum qui super terram loquebatur; multo magis nos, qui de caelis loquentem nobis avertimus: cujus vox movit terram tunc, nunc autem repromittit dicens, Adhuc semel, & ego movebo non solum terram, sed & caelum.